



Broj: 13-04-33229-4-1/21
Sarajevo, 21.09.2021. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

-SKUPŠTINA KANTONA SARAJEVO
Služba za skupštinske poslove

-VLADA KANTONA SARAJEVO
Stručna služba Vlade

Predmet: Odgovor na zastupničko pitanje, dostavlja se

Zastupnica Bilsena Šahman je na nastavku 41. Radne sjednice Skupštine Kantona Sarajevo, održane dana 13.09.2021. godine, postavila je zastupničko pitanje u vezi finansiranja Udruženja porodica djece i osoba s poteškoćama u razvoju "Dajte nam šansu".

Na navedeno zastupničko pitanje dajemo slijedeći odgovor:

Zaključkom Skupštine Kantona Sarajevo broj: 01-04-15586-4/20 od 16.06.2020. godine prihvaćena inicijativa Bilsene Šahman da se Udruženje porodica djece i osoba s poteškoćama u razvoju "Dajte nam šansu" od 2021. godine uvrsti na budžetsku poziciju Ministarstva za rad, socijalnu politiku, raseljena lica i izbjeglice Kantona Sarajevo, na poziciji tekućih grantova za podršku rada neprofitnim organizacijama, kako bi se održao i podržao rad servisnih centara Udruženja, koji su od velikog značaja za Kanton Sarajevo.

S tim u vezi, Ministarstvo za rad, socijalnu politiku, raseljena lica i izbjeglice Kantona Sarajevo je prilikom planiranja Budžeta Kantona Sarajevo za 2021. godinu, Udruženju porodica djece i osoba s poteškoćama u razvoju "Dajte nam šansu" dodijelilo je sredstva u iznosu od 50.000,00 KM.



Napominjemo, prilikom određivanja iznosa koji se kao vid sufinansiranja rada doznačava predmetnom udruženju uzeti su u obzir Program rada Udruženja, stvarni troškovi, obim potreba članova koji se zbrinjavaju na specifičan način, te broj članova udruženja, odnosno korisnika usluga.

Kao referentna vrijednost prilikom određivanja iznosa koji se doznačava Udruženju "Dajte nam šansu", Ministarstvu za rad, socijalnu politiku, raseljena lica i izbjeglice Kantona Sarajevo poslužili su iznosi koji su se na poziciji ovog Ministarstva u prethodnim godinama doznacavali drugim udruženjima osoba sa invaliditetom čiji se rad također sufinansira iz Budžeta Kantona Sarajevo.

Međutim, za predmetno povećanje sredstava Udruženju "Dajte nam šansu" u ovoj godini, nisu planirana i obezbjeđena sredstva, te iz tog razloga, nažalost, nismo u mogućnosti razmatrati predloženu inicijativu.

Obzirom da je na istoj sjednici Skupštine Kantona Sarajevo pokrenuta inicijativa Kluba SDP-a o povećanju iznosa koji se doznačava u iznosu od 100.000,00 KM, Ministarstvo, odnosno Vlada Kantona Sarajevo razmotriti će mogućnost povećanja iznosa za narednu godinu i o predmetnoj inicijativi se blagovremeno izjasniti.

S poštovanjem,

Pripremio: Miralem Dedović, stručni savjetnik

Kontrolisali: Zoran Timarac, šef odjeljenja

Nuriya Hodžić, pomoćnik ministrice

Ivana Prvulović

Dostavljeno:

1. Naslovu
2. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: +387(0)33 562-089, Fax: +387(0)33 562-090
Sarajevo, Reisa Džemaludina Čauševića 1

